

**Ministarstvo kulture i sporta KS  
Budžetski inspektorat KS**

**Predmet : Zastupnička inicijativa, 22. radna sjednica Skupštine KS**

Upućujem inicijativu radi izvršenja budžetskog nadzora usljed blokade transfera sredstava sa pozicije 0001 22010001 614300 MBN003 082F 'JU ustanove kulture' koja se nalazi na analitičkoj kartici Ministarstva kulture i sporta KS dokumenta Prijedloga Budžeta za 2025 godinu u iznosu od 800,000KM.

Pravna regulativa kojom je regulisano pitanje privremenog finansiranja institucija kulture i obrazovanja od državnog značaja bez statusa definisana je Zakonom o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina ('Službene novine Kantona Sarajevo' 17/24), dokument usvojen od strane Skupštine Kantona Sarajevo.

Ovaj zakon, kao posebni zakon (Lex specialis), jasno definiše privremeno preuzimanje sufinansiranja institucija iz Budžeta Kantona Sarajevo do donošenja konačnog rješenja, definiše status i način finansiranja i poslovanja kako bi se osigurao opstanak, funkcionisanje i svakodnevni rad ovih institucija, sprečavajući njihovo ugrožavanje. Obzirom na obustavu isplate sredstava za Biblioteku za slijepu i slabovidne osobe BiH tražim budžetski nadzor navedene pozicije sa ciljem utvrđivanja zakonitog poslovanja Ministarstva kulture i sporta KS po navedenom pitanju. Takođe očekujem od resornog ministarstva žurno reagovanje i isplatu zakonom definisanih sredstava na koje vas obavezuje i dokument Prijedlog Zakona o izvršenju budžeta za 2025 godinu.

**Obrazloženje:**

Institucijama kulture od državnog značaja još uvijek nije riješen pravni status, pa time ni redovan izvor finansiranja. Biblioteka za slijepa i slabovidna lica BH koja se nalazi među sedam institucija kulture od državnog značaja.

Ugovorom o sufinansiranju za 2025 godinu Kanton Sarajevo osigurao je sredstva za materijalne troškove, te minimalne plaće i naknade za uposlenike četiri institucije kulture od državnog značaja. To su Historijski muzej BiH, Kinoteka BiH, Muzej književnosti i pozorišne umjetnosti BiH i Umjetnička galerija BiH, dok je peta institucija, Biblioteka za slijepa i slabovidna lica BiH izostavljena iz ove raspodjele zakonom definisanih sredstva.

Zakon o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina ('Službene novine Kantona Sarajevo' 17/24 ) je jasan u pogledu finansiranja, brige za radnike i njihovu egzistenciju.

Predviđeno je da se ovaj zakon primjenjuje sve do trenutka dok osnivač, Bosna i Hercegovina, ne dođe u poziciju da može izvršavati svoje obaveze.

U Sarajevu 23.05. 2025 godine  
Marijela Hašimbegović dia, zastupnica

